抱

然至

堂

文

集

聖旭 求於 抱經堂文集卷第一 閒之 訶 序 以定樂而有律呂正義 、者中西各是其說而 句股乗除之 與天地 元聲爲發千古未發之祕 仁皇帝謂不明其理 聖 一廟樂 書而晦 相應故審音與明時 釋律序 朔戍 術而數學於 朢 丙午 無不正合朔中氣無不驗 東里 刖 不相 一書|不泥古法|而獨 何 盧文邓 大明於是乎有儀 廷臣其能決 判其爭於是專 無異理也康熙年 紹弓 推 象 閒 研

廟其 抱經堂文集《卷 識其所 震 源 明 所 律 所 纘 堰 動 定 同 凡 職 物 述此誠極 緒悉遵循之 以 加 律呂 變通 四卷詳 也 名進士 而聾者不聞不當別以 不明其理不究其數陽景中天 因恭閱祭之 之 字譜 度數於 例 千載 由默識神 爲江寧郡學官春秋二 以為進 與 時之 樂章與其改宮起調之 首 會著為 盛 律 絲 也 為淡恥 相 브 為八音之 配 一儒者 遷 書名 爲 而瞽者不 乎嘉定錢君 明其畫 丁釋與於 躬被 綱 聖廟 領 焉 陶 而

包座堂欠長 也 其言樂律也不泛及馬然其闡發精微之與疏證 Œ い所著 个者七政齊而 加 卽 原痹而通之殆亦 九爲達變之 言定 明 論樂之旨今復觀 八以定 周 使 理 推之而可 易應更以器有長 非徒斤斤宁不倍之 譜不當執 亦欽承 **》**. 绕 : 1 論也錢君以所居之官盡所居之職 八風平協氣易流休嘉 不外是矣夫天地之 知也昔孔子歎周文之 定之譜以築夫器 短 一義而已曩自見蕭 厚神 有 氣正 四寒 同 肥瘠當 郁 而形 郁 樂之 一而後 同

所 集 朝東吳惠定 則僅· 以導 以成此書明胡孝轅附梓於李氏集解之 引用已 # 解者 1234 4 蓋 有 說經 非全文至於末年 不錄 小疋 **周易九卷唐書藝文志作十卷至宋崇文** 世之趨 卷而已量陳兩家皆不著錄南宋說易家 随 之道 杰校 所取資 宇棟復加審正蒐其闕 姚 叔胖更增補二十 貴於擇善而從 與非則非其中爻不備 本 解將來之惑者不皆重 英不具足鄭易多論 鄭注 四明王 周易序展升 五 不可以專家自 厚齋廼復為之 則 -理其次第 後故凡 一有賴也 謊 囿

講而 雑故 振墜 乾鑿度之文 孝麻復 共不能 郎注漢害者 打型がに見る。 序本多颠錯胡氏惠氏雖迭 於後賢者而 《鄭易 輻當作輹史之 使北海之學大顯於世 此書亦逐 日 無誤 文 本文為之 因 胡氏惠氏兩 此 **羼入者為栞去之以漢書注所云鄭** 卽 非指康成 則以創始者難爲功也近者歸安丁小 互體之 失傳王 J 整 北 君實克纘之 比 于順當作額 本重 復摭補其未備者若干 說 叉於字之傳譌者 氏蒐羣籍 所自出 加 加 此厚齋諸君子之 更定而仍有未盡 非相違也而相成也 而緝綜之功盐不 E 弼學 正之又 如 孤行途 小畜之 則扶 所 王 雷 重 氏 氏 興 占 有 易 細

厚齋 稽精 可廢 不及 應 者後 者 諗 翻 矜 也 義皆當訂 所 丁君遠甚今覩此 夫 乎 輯若詩效若 吾黨之有力者合梓之為王氏經學五書知必 前後 所 切 此 之 獨 至於字音 因 其義 得 法 書 得以皆警前人之 以完 正 收拾於 心佚之餘復經二三 以便學 一惟詩效 而 鄭 然無憾百世下讀是書者其資之 鄭注古文 知其讀或去其比況之 者雖 氏時未有反語 本老 稍 非元文要為根 加詳此 所短者之可 尚書及論 眼為之豁然增明歸 書雖 及直 語若 加瞻涉 難曉者 比 君子之博 本於鄭 音某字 左 哉余於 精 而 時

鄭康 抱經堂文集不卷二 卷於論語輯為二卷於尚書更輯成十 盡得事理之精詳而無遺憾眾家之言猶必兼 書自不及三禮之精書前有孔安國之傳後有蔡九 考其釋 事哉宋厚齋 鄭 注 此書之注皆寂茂 微故祕 故 氏漢之大儒今所傳自詩禮之 成注尚書 五禮之異於舜典則日公侯伯 、視鄭氏之心豈不足惜雖然 府 厚齋輯鄭 王氏辛勤掇拾於墜失之餘於易輯為 失其本 九卷舊 無聞使後生不見古義豈 氏 加 唐書狗著錄然 世 尚書序 逐 無有傳之 外若易孝經論 M 自隋 四 - 男朝聘之 人之見登 卷 者鄭氏之 以來其 採擇 班班 非

者言之其釋金三 以之作貢必不 解尚書遠失事 於唐處而當其時未必能詳也在巡守 儀文始備於是乎有吉 朝聘之禮 從 開所常用也他 皋陶謨 他或不皆然則在讀者自擇之耳昔虞仲翔條 誤作同 **丣字讀當為桺古** 為 則日 訓 切而論其大常則 為 賁 月 4 品 如 以難得之貨孔傳言金銀 酒杯洮獺為濯以為澣衣成事又 以奏吳主云 子諸侯鄉 作服 為 柳那 銅三色古者唯銅之 **凶軍賓嘉之五** 十二章州十二 同字而以 大夫上 顧命康王 自當以上下各有等衰 庶民蓋 為味 則言五等諸 禮共源雖皆 執 師鄭注 瑁 銅 用最廣 **周監**一 金 古 銀

補 別 與 7 讀書 命 與論 所鐫 莪 古 E 學官定 一年 一十二年 無尚有 大安 考 三百 氏 正義 別字叉訓北言 而 時 本雖 他書 知皆 所 語 謂 此 注 見 知 郙 所引 谳 亦 其 必有當 力未能 傅賈 事今寿 未 1 Ę 氏 所注 全然 禦 佚 一件讀 福 而 世 服義並 注 鄭氏 必 此 今尚有 及 榈 王 也 書 非 別 用晦 氏於虞 書若尚書若 禁慨然有餘望馬 鄭 示問 也 後 為 叉注尚書 雕版 於 四卷之書見在德 卡 氏易近 所能 所 有漏略者 此 明 數 得自 舉者皆不載 以傳與吾夫 偽撰 111 大傳 事誤其大焉 論語若孝 Ľ 秦中放家 一样行 也然 此 朱錫咆 則 矣 經 水 籴 則

京祭堂女生 若二 規 其書而讀之 是書吾鄉孫睛川氏之聯當於羣書中鈔擬替花釐 尚書大傳三卷宋志猶載之近代學士大夫多不問有 求此書得之吳中藏書家刊而行之支弱得之以校 至若伐者甫刑仍作戡黎呂刑而又無骤命思欲因其 未必有盂 而其閒又有以向歆之文闌入之者與伏生書大不類 三卷以求合於前志之數其用力可謂勤矣交照管得 氏之書其詳備實勝之至篇目有互異編頒有先後 模 少加增損然藏籍浩繁非 尚書大傳考異補遺序 於本書也吾宗德水雅雨先生尊經嗜古 如洪範五行傳不及文獻通考所載之詳 戊寅 一目所能盡倜有綴

孫書 他經堂文集一卷二 是書者 凝 千條 者 可遺 余於此 為尚書逸篇未必即 ,如王 殆亦 也 亦愼 唯槐之文蓋 且念 增校 傳有 故復取以綴 治之 僅矣其 日若圭璧及丕天之大律亦逸篇也則此 取 增 孫氏苦心蒐討不為無 伯 而集錄之以繫於後使有所 、祉唯 開 加 傳寫 本諸白虎 非隋唐以來之 於此 是 松東社 并以元本補遺各歸本 異同濫 傳 云 庚子 唯柏南 故余作補遺亦 通然北史劉芳傳 所不免因為作考 完書然求其所 功凡有 雅唯梓 六 州以 可以 西 傅 神 載 引 祉

释文 乎繼 、據と 從 云定 傳古本往 椊 至其差 文 3 略 說 本亦與正義本多不相 朱 又 所載之異 本為之 VII IVI VIII 本 得 本 者 本作某者 氽 一翻處 訓 經 有陸氏所云異同之本具別白馬若其 向者亦未之 H 人跋其 本國 往 典釋文三 氏意 與釋文所云 便改釋文以就注疏之本使非通志堂 同多不引入夫古 5 符 後矣自 人山井氏鼎所為七經考文觀之 主別三 同而王 十卷 採今補 爾 一家之 氏於異字異義獨 同宋 具在後之人又安從 一作某或作某及正義 以來時復繙 採之 人刻 具 來傳書 以廣異 同於毛詩之 經 注疏 閱見王 不皆畫 聞 不 有陸 附 異 誠 氏 取 卽

爲 矣然譌 彼 叉 爲 作爰字其訓爲於與左氏所引正相合凡若此類世 有 四 若 檂 與抑 弟 晨 日家 卽 爲 月之奚其 領大 羊 王氏亦當未之知也余曩已舉朔月平卯之 為為 伯 與淇水 者 Z 牛下括 且篤 淌 維字之譌維為家兩條矣今更悉數之 如彼流 則不錄也至今書之譌異者 透歸 爲 天降滔 穠 在 誤 碩 泉皆誤倒為泉流 73 右 譌 倒 終然允城然 朱 爲 徳滔譌 為實不可 相協據石經當作遠兄弟父 牛羊家室君 子從家語 為僧降子卿士子謂 調為馬 畏也不譌為亦胡然 訓奚爲何若 而竹竿之遠 王誤倒 不但陸氏時 不能辰夜 為室家 毛 毋 氏 如 父 為 辰 譌 何

要為 家詩拾遺於此 日本國之 其讀 未能 又可 引各書本無當篇之名則以余所知者 校 經堂文集八卷二 為傳錄亦採 朝嚴思菴 本 中土舊傳之 馬而 虚 執 凡 而 本其 **脉所從來者比** 王氏之 Œ 以為異文乎 加 是書 虞惇 異 **書亦**各 用嚴范二家之長各著其姓以別之 本居 沿為互具者 同頗多於釋文所云雖未必全是 著讀詩 經移易轉叉滋 調完 多非僻遠之人所能偽撰也亦 有增損然 質疑會稽范蘅 比矣古書所引在未誤以 大備矣隱諸君 調近又得歸安 於王氏 釐革余見而善 採用之誤 洲 增成之叉若 家 相著 前

勤 前 文武 先世之美而以為魚藻之義則詩之為教幾可廢矣怠 古說詩者所能逆料也哉是書本不分卷今以所增三 古以諷 者多因分之為四卷云 無達計是在善讀者意逆而微會之耳苟其不然即陳 多矣其最悖謬者謂天子三年之喪卒哭遂除衰 古文其訓釋亦當用古義自晉杜元凱 ショニュー エピー・シー 掇 人之說而會通之然其閒輒以其私應安易故訓 拾者非欲申三家以抑毛而奪朱也義 周公之典章制度於左氏傳尚有 一語亦為禍階致令末世子孫不欲人須殿其 伯厚輯古文春秋左傳序丁 酉 作集解雖 可考者其言多 可斷章 取

晦 旣 證 將 解之 遙 濉 從 和堂文身 間之 氏 m 示 康 唐 制 左 秦 P 成 時 其 中 通處 之 可復見就 傳補注 Œ 杜氏 笛 朱厚齋 作 議定當代之制此其誣經度禮不可為 馬季長 服以終喪 中有年 一名 家 必 Œ 義顧乃棄賈服之舊注 之 曲 錄 王氏 王子雍之說成錄馬匪徒 央 矣今乃 爲之說而 書亦以古義糾杜之 E 此 也因 義 以衛文公大布之本大帛之 以歸余見而愛之向見吳中 乃於諸書中搜輯補 所引謂杜所不取者往往遠 十二公分十二卷江寧嚴 王氏此書定宇祖父以 以賈服 為非今賈服本 進 獨 以杜氏 服其精確 掇 綴賈 拾 爲 恵 服 冠 閼 訓 明

惠氏之有此背也頭閱近 車 賦卒兩之 余讀昭 以為燕 里 ものとなった。まで一個人 惟王 取 率 用 車 傳有鈔本 酬 乘 相 月 氏開之 授 幣終事八 飲解機之 元年傳云泰后子享晉侯 車各以次載 說皆不從杜遂扶 車 百乘正 率皆 百六 於前故惠氏祖 而外 シー 義從 十里 反 明證 日 幣 服氏 行 人罕得 相 一字之異其有關於典制 難 謂 百 則 授 余 見余雖 服謂千里之 而還不徑至 以下依 十里置 萬八千里 十里 仲 孫得詞 一里 林 車 杜 服虔 所為鉤沈 往來吳中實 合車 精之於後 氏 路往還 故言八 作遂跳以 雖追風 乘千里百 則開遊 自雍 而後 如 反 及 逐 如 此

與 单型 不思之甚也十里 足猶 實愛 米四斗三 一乎且其法至元董博秀實祖之以運糧矣 故服以是為李安得忽生 卽 行者半重行者半百里用三千六百人致米二 和学文生 多十一 氏並多見其無識也此書雖非全文然學者當愈 服氏之說可實見諸行事者正義必抑之使不得 將不速遂謂杜義為長案正 如惠氏遂能以是成其家學矣必若此庶 微繼絕迪後 自接旣稍 十六人行 | 乘一反行二十里八反 人擇善而從之指意也乎是書 里人 £Ŀ 遂僭為題其端云 萬八千里之 日五百反為二十八里 義 此駁 說輕 何其輕 步 百石 無 相

觀 立之法馬而循有參錯而難合者則其立法疎也故善 揆 求合是其為不可也不甚明哉說春秋者之有例也 稱循 , 觀天者之有法也屬解比事之為教也遠矣顧左 可即 日之度察星辰之行以正時而成歲必稽其元馬必 知有 者不能廢法而要當使法 偶駁而遂謂吾法之盡善至其不驗則將強天以 以 為史官之常例雖其閒亦有聖人所不易者然 陷 春 於繚繞破碎而使經之義轉晦故夫法不 為聖人之所筆削者盡如此 例 秋五測序 而用之不精或偏而不全或常而不變 丙 申 一稟於自然此豈幸其 厥後諸儒之 循

推 測 赴 所 教之旨不能必 則 譏 懸 例 斯 經堂文集 卷二-則 從 象 所 測 袪 四 且 器 者 遲 約 者 止 赴 四 日 速之 蔽 書 以 指 EL 史策舊 君 為 بخ 古今之說 馬 類求之而各有得 度 其 所 訉 盐 必定出 譚則 無失 春 交 謂 秋 仲 能 為 春秋之 己 之 明 尼 春秋者有 也今戴君敬咸之 必其 例 没 者 見 故其密合亦 例然者 新意此 而不書 、無差 文 而亦不必 例 秦善乎 有常有變 四失一 四 具於交故即交 也 君 日得禮不書 者其言皆 例 調其不 固守成說 日 有互 觀 精 說春秋 天者 不赴 盡 則垂文 有 近是 然 也 便 立 可

罗刚 鑒前 賦 余是以擬議而為之說如此君名祖啓上元人乾隆一 因文以見例不偏執 有關於 云吾嘗於某疏中備陳之則此為公登朝以後之書 交莊大學衍義補而著其所欲設施者 明胡端敬公前發寧王宸濠不軌事以罪去後事 七年鄉貢士今為關中書院山長 一復用於時 商孫以公所著膚見二卷示余屬為之序蓋公讀 人之失而順天以求合不偏守 天下國家之大計者正多也公為吾邑臨江 讀大學行義補膚見序己 人以是稱之至今而不知其侃侃正 例以測聖人其道實有相類者 法以測天 如此其中 論 驗 鄉

之思處之則必取古人之良法美意而推擇用之然彼 抱經堂文集 卷二— 若既已 當其困窮里巷其於朝廷政事之得失容或不能盡 嘗慨夫世之學者自爲秀才時 溺於富貴者旣不足以語此其少欲有為者又或囿 所致禍患之所伏豈可以不知旣知之則當思所以處 弊以為必不可行文莊之以微文見意與其所遷就 不敢言者公則 偏之識不知通變之宏違古而失泥古亦失國家 旦得志推之無本而措之無術鮮不爲國家病夫 在其位矣於事有所不便令有所難行疾苦之 公此書或增成交莊之義 伸而別白之余讀公之書 郎專以決策發科為 以為必可行或摘

斷然不可 歎 公之 議 徼 シーダン・コーナー・カー・マード 為今有司之為富家役者亦多也邱氏欲以餘田準 居持論頗與張瑶桂萼合然終身未嘗與之比迫諸 而不倚矣 廷杖 明之 鈔法 如 翠臣亦當詳也 不合意輒面斥之公有是乎方大禮議起之時公家 是 則 史稱文莊性褊狹與劉健王 之不便而 而公復 且卽其書求之邱氏言敬大臣而公則以 行也邱氏有取於董摶 丁不匿 知著其議論平正 上書諫其虛哀觀理庶幾可與其中立 邱氏 叉欲強立 而公則以為是教之使匿也邱 極論 周官安富之道而公則 通達實過文莊遠甚 法以必其行公則以 霄運糧之 恕不相能御史 法而公

此 親歷未敢以為必然其論西番也亦如是不諱其 · 新於当文身 (第二 於 夫以公之通曉治體 思 人日運米五升五合餘耳柰何以 典世之 則是 為 知 此 也至若宦官近習之弊枉當時所左救正者事 如其言百里當 古 而 人所不易 惟 邱氏無 仕學之不苟 無言 所以為持 以冥冥決事者 言則必明見其 及者余故以公為過於文莊非私 用 言及之公獨危言正論 如此 盈保泰計者亦 千六百 而求其所 可同 M 於論 可行而後從而 人日遞米二百 日 以用心雖處 而道 治河也猶曰身未 為便而取之殆 哉學者讀 不可忽 無所 所 極 石 言之

麟書 言皆 義支分節解網舉目張而中閒脈絡無不通貫融治 文 莊之書世多有得是書輔而行之不這盡善而無弊乎 生 固以為所得於朱子者如是蓋先生少師事姚江 **書之以訟天下之**畱意於治道者 例講書有以君子中庸 爲異說所惑先生信從旣久固宏其言之與朱子悉 合而 **邓弱冠執經於桑弢甫先生之** 見道之言雖生陽明之里餘欲猶熾而獨卓然不 史先生勞先生之學一 b 中 文 **邓亦幸得竊聞緒餘於按試寶慶** 庸圖說序丁亥 章進講者與吾素所聞於吾 以朱子為歸躬行實踐所 門聞先生說中庸 日諸生 勞 和

之語以爲之 所著 紐 本於自然 經堂文集一卷二 平易切實多與吾舊所聞 殊不易得旣得劉 信其有得於儒先之旨深也吾房師漢陽孫楚 其曹其交能 未有合也因舉吾師之 以往使者尚未返不 中庸圖 初 圖不知者或以為穿鑿 非私意 說來質者則新化生 以理勝迥異乎矜才使氣以求見長 且 生函舉以告先生索其書於 小智之所能為也及入試劉 以文弨所見者塞其請弢 昌明理學母務華 知於先生意何 合而又本朱子相當 說以為諸 一破碎一 員劉光南也其 生正 加 告馬旣 如適 吾獨喜其 而棄實 相 劉

霸之 類其言舉無可采而好事者為傳之此則過也然 許可而後乃可為是書增重 他經堂文表『失二 流傳於世連山歸藏古無著錄而隋唐志始有之今見 書吾行晉文春秋楚檮机豐坊子貢詩傳申公詩說之 **表章遺遣莫先於經近代之偽撰者若** 先生遠在浙江異日將并寄是書以求正必待 於諸書所引用者其文類班駁 德明孔穎達李鼎祚所引者於訓詁名 百兩篇時君 弧偽作弧唐人 新刻古文孝經孔氏傳序 既知其偽撰矣而愛其文解亦使 也孔陸諸 世 人寧有不知 可喜子夏易傳見於 丙 H 張商英古三墳 物為詳相傳 5 而肎輕 网 加

得者 有是 承 代之 矣今又不傳新安飽 有 用 3 非 而 加云 音 占 張 乃古文 ノニランイン 今文 也屬 際二家並 旦復得之此此 弧之舊矣使 此必有 F.I 閒 居 私 鄭康成注者今文也孔安國傳者古 孔氏傳述構以入中 以市易往 云云则 J. 所 静而思 1 付 由 **心宋雍熙中嘗得今文鄭氏注** THE SAME OF THE PROPERTY. 來然 此數書而 剞 司馬貞引之 道 뼤 非天下學士 者訪求之 君以文篤學好古 也 而 如今通志堂之 可則陸 以其本示余余按傳文 在亦爲得不爲傳之 德 顧鄭氏不可得而 矣上帝亦天也 國 此諧 所同聲稱快 明引之矣脫衣 7 所收 意彼國 丛遊殆 潘則 於 者 及 ر 文 尚

與 復 位上述らして言 邮 顧 。宰純序所謂不以宋本改其國之 伯 言今止 引之矣其文義 郯 所 於隋當時 國尚 符會必 誤 補 耳 於康成雖然古書之 因 書 者男子之通稱也 漢 綴是亦 Ŧ 非近 桓 傳體裁亦別 有曾子者男子之通 有疑為劉光 譚唐李 长二 何 百六 所能概造 典核 可廢 訓 及與釋文 叉不為漢惠帝諱盈字唯 也蓋其交辭微與西京不 皆稱 伯 )仲尼· 雷於今日 言 然安國之本心於梁 所作者 此 稱 古孝經 則 會要舊 本是 E 兄伯尼 即鄭 本所 者有幾即 臣 語 也唯是章 注 傳授前 唐書所 誤 五字 百 亦 上 疑 載 類 加 鐁 首 有

本 恐 當 鮑 力 明 德 為行 必 可信 君兢兢扶 糸 者 與 夏 家被籍之 所 因開 水 /舞商 盧 當 無 規 E 文 ジ生 尚書傳朱子亦以為不出 卷 愛 氏嘗刻尚書 規 所當此當 仲尼之兄 取 ラター 微振墜之 惜 相 傷 鼎 省人 後 若能 似也 齟 板之 今皆 非 齬途 為後 然其誤 自字孟 北哥 與 本意矣 돈 取 此 大傳周易乾鑿 并 官 書並壽 不 共眞者 一汝之 羼 皮 入者 可信者而亦疑之 不 故 安得與 可 、無疑 備 所 諸梓以爲双 則 不温 知 一於安 舉其 自在讀者之善 得 此 余所 仲尼 以見 皆漢 度等普流布 녜 國安 齊量 左 同字 證 氏遺 在 致辨 於前 則 矣前 **書**冠 文 此

耳使 錄至趙宋始 國 **炮座堂文** 一陵嚴 其學 一時食 成注論 而此書亦其所編 文教之 深寧所 侍讀 終泯 遺深 鄭 書尚在舉業家亦必不好而 不時謂 浯 氏注論 輯 用 寧叟勤 十卷自 晦 氏之 以入 长二 占 非 自 語序 聊 交尚書鄭氏注古 朝 寒中歸 志則書之心也其在 綴者也鄭 勤搜採於公佚之 周齊至 野 力也其 日中也於 相 炦 齿 從 隋盛行於 為足 訓 不時 氏 注 原 以度越千 文 沽 抂 食調 · 徐 蓮 占之 無恆 左 端殺後 今日誠如 Ļ 一傳賈 五代 別居書種 方 一要不 也哉 服 Z 門 日 兩 處 农 際 椎 各 此 忍

之目李善注文選出師表引之又王伯厚云章指引論 隨 遂序其緣 傳其本以歸可 4 與朱子義異然亦未會不可以備 文訓釋之 鄭氏易及詩攷世多有其書而此三書卽吾 孫詒穀曰此三 則調巫醫 那 未備故浙江通志中亦未以之人錄侍讀 卿為孟子章何其題解又有云章別其指者蓋 孟 子章指序 起 外海章撮其大指而為之解於是有章 如 此 謂知所賓矣余次第錄之適此書先竣 不能治 書非深寧所輯疑惠定字託名也 ] 無恆之人以子貢方 两 說也王氏又 謂汤 鄉城書 見

可型をしました。 指 略著之云凡於趙注 全交而但釋其 削去之後於是人 未嘗敢棄之而不明疏 不能 也 一所引故實閒為疏其所出 自偽作孫宣公孟子疏者掠取其文入於疏首 力行近仁誤以中庸為論 全載而 四篇趙岐注又云為章指是則 求則得之章所引趙 者之謬安也 多所更易乃於趙氏本所有者則徑削 。罕知有趙氏之章指矣且疏旣 字句使後八讀之花然不知其 有所要者雖於文段 雖為此言亦不云是章指 朱子集註孟子於王之臣章 民皆出章指而後 語鼂 且於恥之於人 唐宋 一讀書志云 不錄然於事 成知 人矣章 有章 自

此 同雖 **务季**所臨 題今見於有寧君 為總注此皆未之深考也宋時嘗以 オ系生了多一年二 百其題 者當 而今 一。鈔之 有六 雕 亦當考正然今不暇 與我 蘇與注世自有本 重 哭 行於海內者止崑 以傳叉篇敘 年而後親其全為恐友朋中未必皆見是 雕經典釋文緣 共寶之 · 匏菴鈔本孟子注始見之而末二 其若滅若沒可乎乾隆辛已之歲借得 平 者章指 旭 及 而今之注亦頻與吳本 篇世亦不多見故引以冠 者以急於扶微繼絕故也 山徐氏通志堂經解中 中是書之 四 科 在前代昭灼 優劣之差 一卷尚

之音則不盡吳產也乃毛居正著六經正誤一書譏 撲塵掃葉誠不為無功然有宋本是而或不得其意 好這處見而改舊文如陸氏雖吳產而其所卖輯前 則必不速前時也然書之失眞亦再由於宋人宋人 抱經堂文集不卷土 而誤改者亦所不免且今之所貴於宋本者謂經屢 宋雕本不可見其影鈔者尚閒儲於藏書家余借 偏於土香因輒取他字以易之後 對則宋本之關脫反更甚爲當徐氏梓入經解時 書矣又凡切音有音和亦有類隔陸氏在當時或 不可以得聲而後人疑其不諧亦復私為改 人信其說遽以 陸

説文陸 強 孔諸 Œ 一中如 彼 刪 體 也余 損 俗 削 冷孝 為附 雅略 本真然 經 所見 之 氏 就 非而 意 念 經 此 注省 論 爲 在 卽 隨時 來所 語 強 於六朝 之 اع م 能畫 爾雅 虚 閒 此 至 其點 占 隔使有 同 多以校 取駭 就彼 八所用 取 典類 畫 習 信從 俗 辨焉唐 陸 此書 者 沿 氏書 且 甚 閒 有以 // 亦 毐 一鄙俗 用个 兩讀 中 詞羼 附 失 經典多 於注 陸 棚 俗字作 亦仍而 **閒亦引許** 字座氏 ス之今雖 致 兩傷 觀 疏 所 唐 E 四 -남-支

傳漸 本之譌文 其文舊皆連 年精 已宁殘之 經古義 及今所因革以當所 湯獻 少學者不能盡見因為之手校重雕第以遲暮 義多生於形與聲漢人 力虛有不周刻成稱 不以殺 陋 賴以正實天地閒不 十六卷吳徽士惠松厓 經 九月旣堅書於常州龍城書院之取斯堂 屬 古義序 「博學詳說之資 亂 今審其可離者離之 本 書時 祭已 闡 再三 於師友 八去古未遠其所見多古字 乾隆 先儒之 校目幾為之 可無之書也而年來流 五 渚 棋 別為孜證 以便觀者書 先生之所著也 精蘊 有六 唇弗恤 年 賴 附於 以盟 崴 中 重 俗 是

抱 者寡矣唐之 通 後之士 安於記誦辭章之 其習讀 平今讀徵君 得乎天之理微會冥契獨闢髮與不循舊 所以日 経堂文集、卷上 丽 可易然名物 以為迂晦 循 稻 多古 閒 ス 碩師也 引其說不盡廢也至有宋諸儒出 可於此 此書 於蘇爛 為釋文為正義者其於 音故其所訓詁要於 象數聲音文字之學多略馬近世學者 而難通塞耳 習但 一為性理之學者或視此為糟粕然 得古音馬求 單詞片義具 而 有終身讀書不識 知發策決科為務與之言古訓 而 有證據 古義馬是古人之 不能聽也嗟乎此學 本旨為近難 古訓亦即不能 正非曲徇 解其精 字之誚 始以 有失馬 其 者 功 古 所 問 臣 丠 固

ŧ

抱經堂 **永年各錄** 鈔攜 志余媳云時 惑也余士 而還之 、實具 京師嘉定錢學上 見歲月之空馳 而讀書能 力始得錄全計元本之 集卷第二 機 君 之 丁數年前見是書卽為之商略體例校訂 乾隆 假 永 而余轉鹿鹿 承緒洎余自湖南歸復從乞 幸楣 年仲春 在 大昕歷城周進士 余筬中又 未能卒業 此 旬有二 至今春賴 日 年所矣 也且

抱經堂 文集卷第二 多引其 其書二 門所傳授者葢僅二三而已顧今自儀禮喪服傳之 唐初 作王道 無他馬劉 To contact to the section of the section 門之傳經多出於子夏經十有三 序 一卷注云巳殘關然隋唐之際作釋文及正義尚 所引無 小碗而亦假子夏傳之名聚然成十一卷案之 說則其書雖關而未盡也也於後乃有張弧者 吳槎客子夏易傳義疏序乙 向七略載有子夏易傳漢志不著錄情志載 相合者世雖疑而不信而於二卷之 東里 **盧**文弨 |而不由子夏氏 Ŋ 紹弓

彼 抑 北海堂文集 港二 旨每不輕言其所 應對進退入故其於易也一 天下之 今失傳海昌吳君樣客乃復起而 其視 關者 聖 往窮高 其言明白顯著故 鮮也子夏為人篤信謹守其教 相 近居之 而猶 疑愚夫婦皆可領 片言斷句亦都不復 子夏之言淡乎其 極深悅忽不可為象而其流極 是 教人不躐等之意也其所訓 行朱人張舜元洪慶善俱嘗為之 訓釋止於名物字義之閒 可以通天下之志定天下之業斷 無 解故不煩說也後人之於易 珠地固定不 畱 切陰陽變化性命道德 意 **稻粽之為之疏通**證 Ħ 此世之 小子 所以知此 知 且墮於元虚 益易 必以 釋 此正 頗 其篇 解 與爾 非 裥 難 掃

包で出して東一人名こ 漢儒解易之 何氏之功臣巳 此有深契焉是將於易闢荆榛而堙鳩水叉不僅為 必皆由臆造當得之唐以前書中然皆不著所本學 來諸家亦或援引及之若吳艸廬與明之二楊與喬 覽等書所引者此皆灼然可信采 擇無或遺至朱元. 究疑而未盡信也槎客不以篇幅稍狭之故而汎濫 明以辞奠記邁暢傳意者也亦取而繫焉書成二 之其見卓矣槎客謹飭人與子夏之學極相近宏其於 義疏其見於唐人釋文正義集解及初學記太平御 李旣方補李鼎祚周易集解序 書至多今皆不可得見唯唐資州李氏所 丱 一卷名

矣乃 **復傳於後世登不大可惜乎近元** 所非安 或 以徧 荀爽說莧陸 取 著易傳集解中采取三十餘家後之學者循得以見 既濟之輸度 ナイカーフキストー 略李氏之為此書未嘗 亦具載之若必為 之 也故故 舉 至条傳 卦象二 叉 知不為人之 加 凡異同之 小過 陽 叉 翻 二柒业叉引虞翻說 引朱衷 在 謂夏祭也崔憬日春祭如此之類不 一家解 內四陰在外有似飛鳥之象為俗說 所是 說往往並載不遭如夬 家之 說 別 設使 虞 一執已之意以 訓 Ē 翻說離為飛鳥震為音 固虞翻 則所 曲 我削 和惠定宇其滿易實 謂莧說 之 収者轉效而 決擇諸家 所斥為俗說 而遂 业 陸和 之九 派陽 睦 正 딘 而 引 可

錄 欲 宗 所經眼 抱經堂文集《卷三 於天下 成得 十餘家之 觀其所深嗜者漢儒之學求漢儒之學則唯資州 漢學凡所接引多取材於 力者吾安得 加之以 書 編 明 者不下百餘種而深斥圖說之 後 人之所稱 六十餘番益幾於 為菁華之所聚既已朝夕寢饋於 則安得不作寶是書剞剧之 謹嚴述之之功遠倍於作今學者多 世之學者也今秀水李君旣方 說之尚有 **亟見其成以與天下學士** 引 概不及馬是其命意高而 未經採入者更為之搜羅首萃 一字不遺矣然采取雖博 是書甚矣李氏之大 事是所堂 附會寄整濱 一共讀之爲 富孫好讀 斯而復於其 用力 知寶 有 斦 勤 而 造

占 齊魯韓三家 而 **雅韓獨** 本六篇 者 從 譌 |j|本 自 脫 校 兌 育 亦 隋 Z 共義 亦 之 非 尚 雕 校 往 志 其 有 IJ 本 叉 本 内 韓 得 往 取 文 詩 M 出 川 來 解 傳 許 於 其 析 雖 呐 相 前 亦 皆 通 至今日 此 贍逸為 而為 外 似 僅 書 諸 央 傳 則 吾友武 傳 序 之 書 見 仍 而 外 非 M 相 而 庾 進趙 者復 不革 所愛 有 出 唐 鴻 戍 所 者 岩 人 者參互考 經義 虚其損眞也又 含 圳 為之博粽 玩 外 脱者補 둞 傳 故 億孫 哉願 及 也其得流 固 類書 未 以緊 證 傳 恢 人 本 也 攑 E 肵 漢 詣 傳 於 其 旣 雕 援 後 志 至 引

觀公 本旨 釐 者忽近馮 忽 有意中之情亦有言外之旨讀詩者 包型とと見る 五 者 爾夫己之情亦有己之情本不同乎詩 盡 十五五 意逆志舉可於斯參 然有當 **馬余亟慫恿付梓公諸同好** | 炯所 翩 融會 則三百篇 年端 典則者鑒 離者 者 而 贈峇經傳所 貫通之將孔子所 午日序於常州之龍城書院 īE 12. T 多也 猶夫三 忽合馬詩無定 別之明當自求 然 干也 觀馬 則 援引各有取義而 此書法 亦 爾 傳所 謂 因級吸言於簡端 中閒或亦有里俗之 形煎詩者亦無定 Ż 告 可以廢 往 要其格言古訓之 稱 有因詩人之 亦曷有異哉 知來孟子所 ] 丣 人之情而 不必盡 哉 情 乾隆 符 解 夫 善 澗 遠 詩 而

鄭祝 滇 调 台 兼 對 頂 书在写了1 故 盐 秋三 之 之 注亦 則無 賈逵 縣 古 也至於 買 因 傳 文春 创 服 徑 陋 春 為 於 左 17 馬 ij 就 秋 先 是 簡 図 融 氏 內傳古 秋 最著季 加 延篤 儒 型. 自 最 共 矣魏則 人皆 後 所 中多古字 至 訓 占 隋 長 彭 習 不習於賈 E 出 住 釋亦代廢 野 序 杜: 買 汪 灃 然唐時 鐂歆欲立學官 則 許 H 服盛 調 ÷Ľ 質精 盛 古語漢 而 淑願容之 行而 代 貢 不 行晉時唯 未 服所釋格乎不 、興漢 、舉之 習左 IIII 服 、尚能 氏傳 法 諸儒多不肎 博 東京以 莪 徒皆傳左 N 傳 隟 習 述 博 微 服 以 通 小 來陳 챮 義 之 III 左 經 中 及 氏 左 间 置 經

深炉 後而 壮氏 然思漢 借後人無由得 上ではなってを 之注孫兢之異同略京 唯喜杜說之平易近人相與尚之唇時作正義逐專 唐宋人 蔚其治經也深懲專己守殘之陋而於左氏用 二言之見於 扶 幸有不盡 灼見杜氏之 絕學 家此外多所營警以致精設美言弃之不復甚 人之舊於是凡唐人正義及史漢三國督出與 類書 以廣 他說 所引 見全書此可為浩歎者也東吳嚴子豹 撕滅者與其過而弃之也毋寧過 弊有違禮傷教者有肆題吳說者 異誸俟後之人 者亦不忍棄也葢當古學廢墜之 粽 相璠之土 而 絹 之 質服 擇善而從斯可矣 地 名雖已並 兩家而外岩 E 一件偶 功 训 肃 取 慨 取

(K) 111

ì

秀水 乾 实 お発生ラ馬 先 夘 隆 鍾 微 足 狎 应 與 或 庚申 夫 临 善 以 山 之 庸 買 阜 書院之 也今天 以 恆 餱 者 禮 論 A 數 服之不復生 己之見律 一歲吾 學問 世佐 注疏 釧 馬 必能 見 須 燗 其手 好古 す 之事哉 實從之遊余館於 師 詳校自序 因 而 此以 夭 桑 不 · (機) 禮 弢 於今日也是 之士多於前時嚴子此一 之貴是 下後世 浦先 定所宗而 乾 哉 生講學於 ýJ 隆五十有二年 所謂嘉有弗食者也 經算机 斯 復推 城中不能 則嚴子之為功 則 嚴子兼 湖 類以盡 闸 上之 研 收並 與 五 月序 共 南 其 繉 餘 學 鏦 出

晤程 抱輕堂文集不卷三 其節 既得 是平始後 此 條疏於經文之下余見 其向 Æ 甄 出於昔人之 書 譌 綜 蕺 滇 誤 庚 遂輟不為庸三以戊辰成進士余時 次亦時 申巳 所著 而 固 南 而 太 逐 疏通之 更無有 縣令缺旋 史 则 有 四十年稍得見諸家之本往往 以訾鄭賈之失者於是發憤先為 上者顧其文繁力不能倩人鈔錄庸 已發然成書 更易以其所為說 晉芳 則 杊 出京葢余之於 叉 **耀躍然以喜是時余年六** 於此經已 為提唱者 而好之亦欲從事於斯而家無 因得縱觀馬歎其精 )得十一 則亦 質於先 此經其萌芽實於 遂已庚子入京 家之本將 生定而 亦在京 有因傳 鐅實 後各 師 有 因

無從 論 違 疏 也 錯 有 則 也 其 載 更 書 厲 氽 本 凡 周 復 後 者 書 循 見 名 後 e 園 遪 鐐 此 亦庶幾不僅為張淳毛居正之流亞乎夫前 阪 相 加 今之 成書 書 夘 取 所 旧 集 則 以 駁 辨 丽 微 丽 بخ it 解 駁之 明年余 滇 爲 糾 件 正信 矣既而 正之宏 醪釋! 繁之 中 削之今定書 狮 有證 僅 大 岩 疑 向 所 **心岩其辭氣** 敝 吏 Z 九為 委 是 據 Щ 見更廚 訂 庶 兩 以 知 無得 天 鴻 非 旋 之總名 條 解 地間 ΙE 銅 憑 聞其本於素 猶是背 夘 鄭賈 誤 主 罪於 2 臆 捌 儀 以 惟 不可少 在 先 後而 齭 华 日儀 有不當 一說實 賢 勝 本 平庸 之 旬 於 禮 前

記 之 得成是編 來諸 為也義難 有九矣回億南屏初見是書時去之五十餘年而 本 Œ 言至今日而 孝康 高 者 兇 功最多戴氏猶有不能盡載者 殆 刻 字二百八 \_\_\_\_ 重校方言序 亦 j. 前 不 四 通 未就 雅 細 無出其右者乾隆庚子 口 氏始 謂 始有善本則吾友休寧戴太史東原 書 ൬ 有 + 獨 密 非幸也已 余以 受其本讀之 王寅 pj 豧 通者通之有 脱二 肖 一十七 軀 ij, 尙 取名 雅 刪 雷 余至京 因出其鈔集 口 於 證 世 衍字十七自 刺 間今年 此 明 者臚 餘 書 師得交 禾 机家 獲 而 ء

書 抱輕堂文集、卷三 引 郭 考戴 書亦 旗 勤 Ż 太平 日論 景 子雲不與故藝文志無之 因 其已 遺 亦 純 典其正 到 序亦云三 闞 氏之書 王矣以 歆 脫 多 法言訓 聯 方言 而是 不 級者 於 與 門 世不 覺其當 余為尚 書送大著其卷數 纂州箴 雄荅書向 桐 知 雅作 如 然 五 能 百納 定 Ż 能 篇 增 方言此 反 在 無疑考常臻華陽國志載雄書 讀 附 隋 正者尚有也劉歆求方 农其散庋書內 離 郭 乃 此 在 唐以 注之後朱 騷皆與傳 簡末 書 班氏於 最 為明 也悉舉 下志皆云 則 散 者 雄 志 亦別為卷 書中云 證應 同 以畀余余 又云 者 而不 本傳舉 紛 邵 + 紛 十五 而 及 卷 其 言 如 四 四 卷 卷 所 落 賦 因

欧 連 何 数之 Œ 者 it 有字當 不必執 生 書之 說 余 有 傅舉之 亦 也雄 以 令習 郭 以管見合之丁君 過 可 音 晋 覆条 方 信他 在 說文之體 識古文奇字嘗 亦 類 上條之末 方言則方言中字其傳授必 也郭 書 凡舊 櫸 雅 必不與注 輒改 百 難曉又 氏 所 以盡易之又其中有錯 注 而 卷此書 傳本皆然考之漢隸亦有 附言 校本復改正 誤聞 相 爾雅三卷外又有音 雜廁 訓纂篇今不 當有捃摭及之 以近人 下條之首及不當連 後 人取便讀者 所 日 音 有 廿有餘 又有遺者 傳趙朱 如 簡 自 者余 通志 兩 如家鄉 時 辽 卷 條 條 證 則

救書 蜀 辨 肵 ൬ ф 疑出 據 馬 經堂太集人卷 稠 注 綜 故 後 闹 斯 則 自 一行 쟔 於龍公武子止案體讀書志云子傳方言 王 為 者 仍 用 以 集 世 紛 餘 館 則 寫 國 注 故 各家 綸 閼 子 仿 於 閒 知 *,*|-多錯 監 唯 杭 爲 爲 到 成 說 錄 成就 鼂 刊行 雖 昭 氏 其 及文 不 不 未 其學實 注 得載 易 肵 本 之 切要者舊本又有云字 必 豧 整比 即還 校之多所是正 弨 繚 加 如 之 此 漢 名 無疑也于嘉 志之 説 景 Ţ 於 久 拒 簡末 軷 純之 人 君 上 將 例進 大史下云 又 名 世 舊 加 就 杰今日 散 丁君 其疑者 觀 無 圓 郭 失 圍 然 注 却 馬 成 要 為 Z 不 川 使有 愈 續 本 進 叉 大 M 隔 尸

文 古者謂 視 說字之形 人下放 亦重之是 眄呼 與字古亦謂之名春官外史掌達書名于四方 行 之 大之 字 亦多能 爲言續 人九歲屬瞽史諭書 币 計 之 眇 如畫 屈黍 名今 若曆說文解字讀序 取其助氣 以日必 日 上其義 地貉之 狗 貫三為王推 世謂之字字之大端 可為酒禾入水也牛羊之字以形舉 如 也此皆 也正名乎鄭康成注 故以 為言惡 止戈為武反正為乏皿蟲 為烏呼狗 名名者王者之 以形而言也其說字之聲 也皆以聲而 一合十為士几仁人也 内 午 叩也叩氣 形與聲 周官 言地 所重电 論 而 爲蠱 春 吹以守 己 語 秋官 秋 旨 聖 聖 在 時 也

或 逮 世 朝文 首六身為亥皆見於左 文 今 知當時 於 如 岩 解 本學者多 以 所 **整堂大集**人参三二 李陽 勝 明 私 者 賴 邯 經 國 意 大战 闡 倘 則又 以 增損 E. 冰 淖 見 無 前輩 或 有 書爲義 猖 制字之本源者 夘 郭忠恕 江 珍重 式呂忱 以其難 其 狂 亂名改 往 滅裂許氏之學寖微 聞則亦 林 往以是書提倡後學於是二徐 然其書多古言古義往往有不易 理事物 顧 作 通而疑之 罕張有之流雖未嘗不遵 氏傳故 有 野王輩成宗尚其書唐宋 未可為篤 惟漢 自隸書行 所統算 孔 許 夫不通眾經 子日今天下書 信 权 而能 重 我 而篆之意寖 而 九 一說文 寫聞 發明之者 則 而 用 同 能 後 說 m

家之 繁為病 明 有善於 ·博覽 胸 府 考 指歸政治 不繁 舊顧其中尚有 鼎 於 而 用 失 周 復 此 然 T 臣 也 可 私 秦 書 如 之 別 之悉有左 何 楚金 本 擇 有 地 智 兩漢之書無所不讀於諸家小學之 解後學之疑與能推廣聖人 之 頗有 其是 小戀吳爲穿鑿可 匪獨 綱 虚 Z 為後人竄改者漏落者失其次者 紀 非於是積數十年之 書以繁為病 爲 證不同 辭 更易不若楚金之本為不失許氏 明 彭醴 叔重氏之 實 證 樂 HL · 也 葢 說詳稽博報則其文不 而 功臣 乎吾友金 幽通鬼 而若膺之書則不以 自有說文以來未 抑亦以 精力專說 神 正名之 一擅段 可 得道 以 書雕 若 砭諸

抱經堂文集人卷王 於已萬之手隱其爲功也勒矣古今之譜聲者有二有 其大父孝成氏發其端其父亞才氏引其精而今乃成 此句曲潘氏一家之學也成是書者融如名已萬字也 六聲者言之自潘氏始其序則先上次平次舒又上 入之為四聲也些平堂平上去入之為五聲也宮商角 與陽平與仄之為二聲也發送收之為三聲也平上去 以釋見聞之尶故為之序以識吾受盡之私云爾 三有四有五有七而是書則分三陰三陽為六聲夫陰 羽變宮變徵之為七聲也前人之論詳矣獨未有言 聲音發源圖解序奏已

或 宁 雖 審音者為賢貴 包 地 歌 失其傳述 繼 也 貴 其家學 專故其精 多寡不 位 分之或 曲 正さりました。こ 旧 尥 其 之是為 發端 平且彼 干 是演之為二十 台之 與 同而 也否當 六聲 初 之也易潘氏父子祖 百 必用初平之上聲 則 大 聲各為 西 仄 目 較多 2 域 謂初平之 聞 未嘗不卽其說 故 之 以 上聲 西域貴耳 能 所 出 圖 五 以詫 識字 而系 於 韻 t 列而 西 一聲為剛 之以 者 尥 土然 中 Ħ 則自然之理於 孫皆 中 hi 爲賢字 國貴 無 以別 中 解甚矣己萬之 十五分音八 國 、日貴 水 研習 者 四 音自二 精高 之達 獨今樂 母所以 則 耳故 龙是 以 以其致 安 斯尚 於 後 辨 百 爱 剷 能 [H

矣自 するなとこうくるすること 彼 吾 以 定質者 汪 謂 西 III 域 俗 恐 解 之 惡 學 家之 枋 人豈復能遠 吾來鍾 閲 在. 之 ·
述
味 也登若聲音之微 其 足 者 雕 學律 以達意 P) 以 未 洪 安於 山倬 景 廢 重 中 榻 伯 也 萬有不齊之音是猶資 紙 昕習 世人 過 洪 國 而已奚取於是拘拘者今已萬 不 团 平 有 景 全 其 而已欠 其能 字體之不正欲以說文 水水 吾 俏 쾠 目 序逐 無耳 隷 韻 渺 扣 序甲 爾巴不 伸 從吾言者葢寡夫點 而 其 بخر 書 難 必不茍 思 說不 睡 寅 此 係者平 矣然 以歸 全止第三 章甫 得 異於前 茍 之 於 lig 以適 홳. 沿 ilt 一卷下 救 必 IL 譌 越 畫 襲 其 也 得 有 也 審

尠 斥賣市 耳 包括ではくかとした。これ 而 或 共餘 齓 徒 世 書為前哲 刖 景 樿 第 太完之 祕 伯氏之序 楲 疑其失傳今太完得其不全之本而 词 則 嶽 卷去聲 不能 賜 之 抑 兄 離當 雨 則 歸 糠 各歸 珂 又 神 誰 熚 無 氏矣 重 成 相 所 下 也 計 其 在 從 朱文原朱之 雕 一部客 隷 日 Æ 此 必 而 以行傳記 既法 间 蹤跡 君 書當有 釋之前今隸 之 在 星散售故太完 Ż 意必欲 其字為之 天 廣矣 後 將 地 ļ 卷今僅得五 問 離者遂不 雕 為豪 釋之書尚 得其全 三 数 立 意 韻復 쾠 所 所 追 爾見之 奪繼 潮其 得僅 弹 即刻 丽 P 其字 復 後 者 此

書卓 字漢 算刻之 其傳浸廣後 徐楚金嘗以 政 成 名 者 卷 外 A, 猥多尤 海 刻 自 夏英公之古文四野韻於是家 不 傳 而 於 內告 碑 程 逍 書亦 兼 逃炉 其 7 1 版 也夫 可不 大 肵 海 献 說文纂為韻 為隷 於 蔵 内 Á 全 古文籍 **李用謝為多篆書** 繁省 余水 茍 隷 木 ---有所替粹景伯氏始舊然 丽 4 刪之 文其 書 其餘 M) 於篆篆有說文恭集倉 日夜望之 譜以 全或即以 賈飾以三倉之書亦皆為 本者 他 疎者補之字蓋多於前矣 與 便檢尋顧說文 夫 難成歌書易就 或力能 同亦僅 其 是以表自其 書亦汎濫矣隸 所藏界江 則取汪 自小 雅之 輯 丽 意 以 君 隷

眞 欲善誰 太 寧 tt 闇與之合也吾嘗閒 博 吾意 者 者 公六 來 過 所 其慕之也員即其中有彼 書當時 隷 油平此 爲 自始考勵 们 代孫 推 蒜 已與筿 昭 Ż 如 辨 Z 所見楊本自比今之闕壞尚少故其所見 我吾於太完卜之已 隷 書之不 胡公之 以待夫學者之自擇或乃縣譏隸為 釋傳錄不 害 並行安可專歸咎程邈哉近世有 元水 亦 取 以 可令其當吾世而 棺 經 以校隷釋 注 四階分之未知本 唯三字是古 人有發古冢其棺前和 一手若 人自出 頗 烘氏昕 有 除皆隸字 乾 新意變亂古法 隆 遂湮 點 於洪 手夢 畫 五十有九年 没 也 必 氏 則 同 無失 人之 俗 者 自 那 顒 題 謪 者 抑 周 齊 也

抱船堂文集《卷三十 乾 决 所 州楷寫 增盂後叉寫 理 意為 有 隆 云 月十七 校 舟 2 而 所 Ŧ 是正 書 此 車 校 酉之秋 校 書 刻白 白 日同里人盧文弨書 相 如 本 南 讎 虎 之 發雕復與二三友 沿 北 畱 時 虎 之恉 故 於 厰 本寄曲阜桂未谷今年家居長夏無 通 幾十 通序 友 功 本 人子陽湖莊葆琛見余於 用 基偉 此書 自 凡所改正成有據依 所在 隨纤 去 甲 調 因亟就案 辰 太原叉寫 思與海內學者共之 謬相沿久矣葆 人嚴 焉 梓將 頭所有之 加 狡 畢 畫 於 木 覈 海寧 鍾 是 琛 所校時 信 本傳 山講 始 合 元 為之 古 抂 明 杭 有

書流 抱經堂文集人卷三 靠 道 失益南宋 略 又示 於天古 可 曷嘗不本 是 說余以為 則 出 傳 為之 變 於 以 乃堯之 年 余 自 見 而 人凡 說 以前本 然 小字舊刻 天人之 通 之 所 檐 開 省 則 日 事 事必 有不 效古 以 於 人 曾 也 陰 不 必 其 同 私 求 於 有 陽參之 道 師 本 相 叩 與其餘 智 小 其情 古 其端 古 知 離 不 天也古 慧 道 者 丽 而 抑 異同 於五 性篇 即 闕 之可得與其 而 凡 於 古 萬變 作者 天儿 Ż 之聖 天 行 然要亦 皆於補遺中具之此 足 噿 叉離 الح 平 尚 以正後 原 人 天 必 儿 何 書者於稽 其 相 師哉道之 . 始以要 命 閒哉 無 灗 言哉稽 無幾矣因撮 平前 是 人窟政 心心讀 願 名 攷 無 其 制 有 是

**抱經堂文集卷第三** 不 以盡 改余又奚贅 绱 意云爾 免 天 **昭書於太倉州之** 起 有岐 何莫 賊 掩 繩状家之說此婚 其全美 歷 者 代 世有善讀 非 天當時 何 相 也 傅 ini 天 乾 卷 輒 **雙東**書 者 體 帙 隆 加 天子雖 弟 四十 則 異 以 至大仁 此書之 輕 同 吾夫子多 之 詆夫豈可哉若 稱 院 有九年九月既堅東里盧 者 數 側 為益 見仁 脇 則 聞 进 兆動書族校 具見於葆琛 也大 夘 見 而 而擇之 者 亦 矣 不 見 夫是書 知 倘 偏 識 之 泥 主 昭